

## Հաշվետվություն

2021 թվականի մայիսի 25-ից 27-ը Բելառուսի Հանրապետություն (Մինսկ, Պինսկ)  
կատարած գործուղման արդյունքների մասին

- 1. Անունը, ազգանունը.**  
Սուրեն Թովմասյան  
Արման Պետրոսյան
- 2. Զբաղեցրած պաշտոնը.**  
Կադաստրի կոմիտեի ղեկավար  
Կադաստրի կոմիտեի ղեկավարի տեղակալ
- 3. Գործուղման վայրը և ժամկետները.**  
Բելառուսի Հանրապետություն, Մինսկ, Պինսկ, 2021 թվականի մայիսի 25-ից 27-ը
- 4. Հրավիրող կողմը.**  
Բելառուսի Հանրապետության գույքի պետական կոմիտե, գնահատող  
կազմակերպությունների սառցիացիա
- 5. Գործուղման նպատակը (աշխատանքային ո՞ր խնդրի լուծման համար էր  
նախատեսված գործուղումը).**
  - Բելառուսի Հանրապետության գույքի պետական կոմիտե փորձի  
ուսումնասիրում, փոխանակում,
  - Մասնակցություն «Գնահատման գործունեության զարգացումը.  
Համաշխարհային, ազգային, եվրասիական հարթություններ» թեմայով IV  
միջազգային գիտաժողովին
- 6. Քննարկված թեմաները.**

Քննարկվեցին օրակարգով նախատեսված հետևյալ հարցերը.

  - Գնահատման գործունեության կարգավորումը պետության կողմից,
  - անշարժ գույքի էլեկտրոնային գրանցման համակարգերի զարգացում և  
արդիականացում,
  - գեոդեզիա և քարտեզագրություն,
  - գույքի գնահատման ծառայությունների միասնական շուկայի ձևավորում  
եվրասիական տնտեսական միությունում,

- Պետության և բիզնեսի փոխհամագործակցությունը գույքի գնահատման գործունեության կարգավորման ժամանակ ԱՊՀ մասնակից պետություններում,
- Ինքնակարգավորվող կազմակերպությունները գույքի գնահատման ոլորտում, բելառուսական մոդելը «ինքնակարգավորումը գույքի գնահատման ոլորտում»,
- քաղաքացիական իրավունքի օբյեկտների գնահատման վերաբերյալ գիտական և պրակտիկ հարցեր,
- պատմական հուշարձանների գնահատում,
- IV միջազգային գիտաժողովի ավարտական փաստաթղթերի ընդունում:

**7. Հանդիպումներ, ելույթներ, բարձրացված կամ քննարկված հարցեր.**

Հայաստանի Հանրապետության պատվիրակության կազմում էին Կոմիտեի ղեկավար Սուրեն Թովմասյանը, ղեկավարի տեղակալ Արման Պետրոսյանը և կադաստրային գնահատման և շուկայի վերլուծության վարչության պետ Հնայակ Հակոբյանը: Մինսկում պատվիրակությունը հանդիպումներ ունեցավ Բելառուսի հանրապետության գույքի պետական կոմիտեի ղեկավարության, Մինսկի հողային կադաստրի և պետական գրանցման քաղաքային գործակալության ղեկավարության և ազգային կադաստրային գործակալության ղեկավարության հետ: Քննարկվեցին փոխադարձ հետաքրքրություն ներկայացնող՝ գնահատման ոլորտի կարգավորման, գույքի գրանցման, գեոդեզիայի, քարտեզագրության և թվայնացման վերաբերյալ հարցեր, ինչպես նաև անշարժ գույքի էլեկտրոնային գրանցման համակարգերի զարգացմանն առնչվող հարցեր: Պինսկում IV միջազգային գիտաժողովին Կոմիտեի ղեկավար Սուրեն Թովմասյանը ներկայացրեց Հայաստանում գնահատման գործունեության կարգավորման ներկա վիճակը և նախատեսվող բարեփոխումները: Ներկայացվեց նաև գույքի գնահատման ոլորտի ինքնակարգավորման մեր տեսակետը: Պինսկում տեղի ունեցան հանդիպումներ գնահատող կազմակերպությունների ասոցիացիայի ղեկավարության և Բելառուսի հանրապետության մի քանի առաջատար գնահատող կազմակերպությունների ղեկավարների հետ: Քննարկվեցին փոխադարձ հետաքրքրություն ներկայացնող հարցեր: Ձեռք բերվեց համագործակցության պայմանավորվածություն:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.** Բելառուսի Հանրապետության գույքի պետական կոմիտեի ղեկավարության հետ պայմանավորվածություն ձեռք բերվեց փորձի փոխանակման և անշարժ գույքի էլեկտրոնային գրանցման համակարգերի և գնահատման ոլորտի զարգացման շուրջ ավելի սերտ համագործակցության վերաբերյալ: Որոշվեց կազմակերպել բելառուսական պատվիրակության փոխադարձ այցը, ինչպես նաև երկու կողմերի

մասնագետների փորձի փոխանակումը տեսակոնֆերանսների միջոցով:

**9. Առաջարկությունները, դրանց ընթացք տալու վերաբերյալ առաջարկները.**

Կադաստրի կոմիտեն կապահովի Բելառուսի Հանրապետության գույքի պետական կոմիտեի ղեկավարության հետ հանդիպման և IV միջազգային կոնֆերանսի ընթացքում հնչած առաջարկությունների և ձեռք բերված պայմանավորվածությունների պատշաճ կատարումը:

**10. Ստորագրությունը, ամսաթիվը:**

Սուրեն Թովմասյան



01.06.2021 թ.